

Au upukuvavinena, Waejue *qatr*

Au kirikiri aurana ave kali rakava wai na iwaguna maki, waugamagina au eva vekwalavi rakavakuna.

Kalova kukunai wara, au upuku vavinena kureve eva alawai. Kureve repa lamuna eva alawao ne kalova nunganuga nai eaoa ole. Kureve egiauawai. Wa kalova ia maana eva agiawai. Toki kopuna eapiaole ne kureve eakule aukuleawai eva ala namanama ao. Muliwainai, aapu kopina kwareana e apia ole ne kureve kopina e gaalo au. Wa kopina ruparupana ealauna ekeo vagiawai ne kopina aukana, eala lealea ole emiauawai. Logeapara kureve eapiauaua wai ne kagena eveaina ekala wai. Kureve ruana e kere vagiao ne ruluna nunganuganai eao rigo au ne ulu ekalao. Wa kureve ruluna e rale lokilokiau kolenai everale rigoau. Wa kureve inagena auna ealevao ne kagena eauliau ashes aunna. Ia wa kureve kagena ai epiaua wai kwalana aniani enugagiragea wai. Wa kureve kolena kopina maki ealevawai. Waejue *qatr* kureve kolena e rolia wai ne kopina eve lugaaliwai kwalana eala namanamao au na pene aiau alanamanamai au pauna wa kopina aworo vagiawai. Ne waveaina akalawai aunai ne logeapara auna eginigin wai ne ekovenikuwai. Na au wa auna givaavuku, Waloli *qatr*, gena inaina logeapara mave roriveniawai. Logeapara au evakilakuwai au aniani genai ai mageku venugagiragea.

« Palagu ia pene va auvivira. Ia aniani pane venira. » Waveaina e kovenikuwai.

Wa kureve gave alevaraole, aapu launai gaualirau ne kalova iavuiavunai gaukaurawai kwalana logeapara gaaloawai piku launa lualua eva iavuiavuawai kalovai. Ne waia ekala aoawai aunai ne wa piku launa kopuna eva iavuaole auna eapia wai ne waia kopunai eakalia wai. Nunganuganai ne aniani eaoa wai ne waaniani kukunai wakureve eakaurawai. Ne wakureve kukunai, ia aniani mave aukaurawai ne wa piku launa na ekoualiarawai ne eulivugarawai piku launa walonai. Kalova nunganuganai ulu keina kiana e kalawai ne gena *bougna* kirikiri eauliawai. Ai wa kipo gave vealawai waaniani pa ania.

Muliai, pata pata kapulenai, ai givaavumai, Waloli *qatr*, tea niuniu nanuna rauvagi eva iavuaole. Ai ekeamiaiwai ne nanu ivaiavu ganiuwai e aniani walanipogina anianikovara evaiavuraole ne ganirawai. Aina aniani wa aulaura, *yams*, motea e *taros* kamuvagi. Ne gema aniani maki *flying foxes*, *pigeons*, pae. Na waaniani kopuna gaririwa aukavagiawai wa aiupumai vavivinena, Waejue *qatr*, gena kureve *bougna* na gavealo auawai.

Rapalugai, aaro eve kamukamu waiaunai, logeapara gena kwaia, arana Gabroc, ekwarawai ne ai gema kwaiaria eula wai. Ai garipawai logeapara wa enemai kwara wara. Ia ekwara wai aunai gimanai wa gena kureve *bougna* kirikiri na eapikauawai.

Gabroc wape logeapara gena kwaia. Ila lualua wa aigeve ugukwaniwai. Ne logeapara ekwareaole muliwainai ne Gabroc maki eaimau ole. Aigemaiai wa no logeapara mave kwareawaiole ne gaagi rakavarakavao. Na ai givaavumai, Waloli *qatr*, ia aiau agi. Ia wa noaimagena veulamagi veaina !

Na ai maparamai wa melomelo ne lani mapararai araa ai galakawai kolovu gapiaurawai. Ne kwaia getolu wai aunai, pene aikina ievevekoli gena aunai ai wa kaliai na gainagulu lele wai wara. Au wa aniani lura akerearawai ne no ainaguluwai veaina akalawai. Au ripaku au ariku, Thuluë e Icica maki au veaiku, gainagulu wapakauwai.

Ai wa airipamai ai inamai e amamai ai geve mamai aigimaiwai. Ai waveaina gegiao maewai, araa geva inagulu maiwai ne ulaula gava keiawai. Auneke apiapina ne sikulu ai geugumaiwai lanina ila gewaikulewai araa ne kolovu geve piao namanama rawai.

« Negawara, manuwale maparami. Io au upumi vavinena iove vakava. » Waveaina ai givaragemai e kilawai. Ai wa rauvagi gakululakai wai no gema *qagon* veaina, kureve gimamai

aurai gaveapi aurawai. Gaverere wai. Na gema givarage wailanai ai gave mamai wai kwalana ilara ai gema givarage ne gakaliagirawai. Na aimo gave alu koukouwai aunai ne gave mamai kwareawai wara.

Ai givaragemai wa inagulumo gririwawai. Ai araa ai gaulaulawai. Ne logeapara ai evakava maiwai. Ia ai eugumaiwai numai garaka wai nanu iavu gaveapia wai e aniani kovana iana eva iavuaole. Gawaikule wai aupu kwalanai aunai, logeapara rauvagi aniani e wareaole.

Ia wa kureve *bougna* na ekalapaka kamukamuau ne epina ealualuole ne aina aniani varavenimaiwai. Au laura wa no meriki veaira ne kukurai kureve kiana pene aikina kureve kopuna eaoa wai. Loulou wa wamushrooms aiririwarawai ne ai wa waaniani kiana erugaole auna kiana paaniagena ne gaveveparuagiawai. Aina givaavukeia, yams e kaputi evenimaiole. Au e Thuluë nanuiavu kwarela kwarela ai maparamai gema kaputi ai gaaoawai. Muliwainai ne ai lualua gema aniani gapirawai ne kolovu aurai galakawai, aupu kwalarai gave anianiwai. Ai gema givarageria ai aigaanikoukou wai. Ne wanana, waaupu kwalarai gaaniani waiaunai ne logeapara gakamunagiawai ai na givaragekeia e koveniawai kwalana ai geva inagulu aukavagi maiwai. Na ai na wagivaragekei wa eve mamai kwareawai. Ai airipamai ilara wa ai maparamai geve mamai agimaiwai.

Ai wa logeaparana evakava maiwai ne wa waveaina numai gamaguli wai. Waejue *qatr* ai nunganuga maiai eruga wai ilara aukamu e ai melomelo nunganuga maiai avevakawawai. Ia araa e laka wai ai gema aniani e kwaragiawai. Aniani muliwainai ne gapikapikawai e gaulaulawai. Ai rekeami, aupu ai gaulawai na pene aikina aupu gaavu wai *flying foxes* geria aniani wanai ne lavilavi aunai ai ilara gagia oarawai. Ai gema ulaula kolemara vovagi wa lani aurai.

Na warapa lugaluga aurai aro eveauka wai aunai, ai nanu iavu ganiuwai ne logeapara gena kureve *bougna* gaaniawai. Wa no gave auliiwai veaina kwalana wa logeaparamo einaina wai. Ai ai gainainawai na murumai kipo gaanianiwai e keamai gakamonagiwai.

Iwaguna au ave ugamagina aunai, au no kali aunai anianiwai ne au ariku maki waveaina. Iara gena aniani vanamo ai eaniani rageawai. Ne ai wa kalii ne aigave giawai wara kipo gaanianiwai. Ai maparamai no kali ai gaanianiwai. Kwalana ai wa *flying foxe* e kureve gaaniwai aunai ai ripamai waaniani wa aukamura e logeapara evelepara geria aniani. Aina vanuga karonai ilara arara wa *lapa qatr**.

Aurana waanianiwa ai aigelegele aina paanira no *yams* veaina. Aumaparara kwalanai, waaniani wa waa limalima pavenira. Ia pie aniani ao muliwainai ne ai pa aniani wara. Ne ai wa no waaniani galemawai ne gaaniani oleavugawai veaina wara. Na ai ripamai waaniani wa ai gema araa anianira na wa aniani kolemanaiwau gaaniani kalikali wai kwalana gema *lapa qatr* ai ilara aiauvevaripa kunerau na ai gaaniani kunekune wai. Rulumai gaani perepererawai araa.

Au amaku gena vanuga arana Hunöj e sikulu numana arana Havilai. Ne wanai amakwaraole aunai au gemamai agikuwai. Ia gekilawai au kureve aniani auna. Ne kopiku gevama rakavagiawai. Au no karoverave inagulina ainamavagina akalaole veaina gemamai agikuwai. Ne au kopiku ema maole inaku gena vanuga, Hnadro, genai. Inaku gena vanuga, Hnadro, aveugamagiawai aunai auku ema viviwai.

Na au auku aonai au ripaku ilara geria ugamagiai ai wa aiauneka aunilimalimamai. Na anopara aunai aunilimalima ka maki no kureve no geaaniole aiveaimai. Rairipana. Au geku manuwale magulina aunai wa aunauna geku ugamagi evevekwalavi aukavagirole geku kopima pakunai.

Ne oma namana kopunai, rigolo vovagi pegemai aiki, au gereaku geku inagulu kapunai, *staff room*, ai aunai ne vevaripa vavinena *chemistry* e *physiques* e vevaripaana tinapatana eveamaiole ne *fridge* ekalapakao. Ia wa laa eapiaiau ne nanu iavu kiana eneve niua gena.

« Au pemiluku. » Waveaina au evakilakuo.

« Marylène, ono vealo. Ne laa pepora. Rauvagi fridge ai emiauole. No rigolo kopuna. Oi ponana ai okamonagiana ? »

« Ha ! Ha ! Ha ! Mister French karonā ovevaripaana. Pene oi ripamu ivaguna iagera aniani gavoina aunai waaniani wa mulamula irauirau mapararana gekalarana. Ne pene oi waia ripamu ivaguna gera aniani kolemana pema irau irau ne e laa wa aimagena iavu ia gera maguliai. »

Au ugamagiku ema elekwa lekwaole wara. Upuku logeaparana kei amaugamagiau.

Au kureve aniani auna.